

永樂北藏



永樂北藏

趙樸初題



永樂北藏第三一冊目錄

○大方廣佛華嚴經普賢菩薩行願品	續前	(本冊卷第十七至卷第四十 戒七—還十)	一
○信力入印法門經	五卷	元魏曇摩流支譯 (通一—五)	五〇五
○佛華嚴入如來德智不思議境界經	一卷	隋闍那崛多譯 (通六)	六三七
○佛說如來興顯經	四卷	西晉竺法護譯 (通七—十)	六六七
○大方廣入如來智德不思議經	一卷	唐實叉難陀譯 (壹一)	七六七
○大方廣佛華嚴經修慈分	一卷	唐提雲般若等譯 (壹一)	七八五
○顯無邊佛土功德經	一卷	唐玄奘譯 (壹一)	七九五
○大方廣佛華嚴經不思議佛境界分	一卷	唐提雲般若譯 (壹二)	七九九
○大方廣如來不思議境界經	一卷	唐實叉難陀譯 (壹二)	八一五
○大方廣普賢所說經	一卷	唐實叉難陀譯 (壹三)	八二九
○莊嚴菩提心經	一卷	姚秦鳩摩羅什譯 (壹三)	八三四
○佛說菩薩本業經	一卷	吳支謙譯 (壹三)	八四三
○大方廣佛華嚴經續入法界品	一卷	唐地婆訶羅譯 (壹四)	八六一
○佛說兜沙經	一卷	後漢支婁迦讖譯 (壹四)	八七二

大方廣菩薩土地經 一卷 元魏吉迦夜共曇曜譯 (壹四) 八七九
 度世品經 六卷 西晉竺法護譯 (本冊卷第一至卷第二 壹五—六) 八八九

持蓮菩薩心經 一卷 梁陳聖嚴譯 (壹三) 八三四

大云廣普賢心經 一卷 唐實叉難陀譯 (壹三) 八二六

大云廣心來不思難對界經 一卷 唐實叉難陀譯 (壹二) 八一五

大云廣心來不思難對界經 一卷 唐實叉難陀譯 (壹二) 八六六

大云廣心來不思難對界經 一卷 唐實叉難陀譯 (壹一) 八六五

大云廣心來不思難對界經 一卷 唐實叉難陀譯 (壹一) 八八五

大云廣心來不思難對界經 一卷 唐實叉難陀譯 (壹一) 八六六

大云廣心來不思難對界經 一卷 唐實叉難陀譯 (壹一) 八六六

大云廣心來不思難對界經 一卷 唐實叉難陀譯 (壹一) 八六六

大云廣心來不思難對界經 一卷 唐實叉難陀譯 (壹一) 八六六

大云廣心來不思難對界經 一卷 唐實叉難陀譯 (壹一) 八六六

大方廣佛華嚴經卷第十七

戎七

唐蜀賓國三藏般若奉

詔譯

入不思議解脫境界普賢行願品

爾時善財童子入菩薩廣行正念思惟心
無障礙求菩薩智慧境見菩薩神通事念菩

戎七

薩勝功德被菩薩堅進甲生菩薩大歡喜趣
菩薩不思議遊菩薩自在修菩薩功德地
觀菩薩三昧地住菩薩總持地具菩薩大願
地得菩薩辯才地成菩薩諸力地漸次前行
至於彼城尋訪大天今在何所人咸告言在

此城內現廣大身處高顯座為衆說法善財
聞已往至其所頂禮其足合掌而立白言聖
者我已先發阿耨多羅三藐三菩提心而未
知菩薩云何學菩薩行云何修菩薩道我聞
聖者善能教誨願為我說爾時大天即於是
時長舒四臂取四海水自洗其面持諸金華
以散善財而告之言善男子甚奇希有乃能
如是求善知識善男子一切菩薩出現世間
最極希有難可得聞難可得見如衆生中芬
陀利華於險難處為歸為救如安隱城於黑

永樂北藏

華嚴經普賢菩薩行願品

第三一冊

闇處作大光明猶如朗日又如導師引諸衆
生入佛法門亦如猛將善能守護一切智城
善男子菩薩如是難可遇會唯身語意具足
清淨無諸過失然後乃得見其形相聞其辯
才於一切時常現在前善男子我已成就菩
薩解脫名爲雲網善財白言聖者雲網解脫
境界云何爾時大天於善財前示現種種金
聚銀聚瑠璃聚玻瓈聚磲聚碼碯聚摩尼
寶聚無垢藏寶聚毗盧遮那寶聚普現十方
寶聚寶冠聚寶印聚寶鬘聚寶璫聚寶釧聚

寶鎖聚寶鈴聚寶璣聚寶珠網聚種種衆
色摩尼寶聚種種一切寶莊嚴聚種種如意
摩尼寶聚一種聚皆如大山又復示現一
切華一切香一切鬘一切蓋一切幢一切幡
一切塗香一切末香一切衣服一切音樂一
切五欲娛樂之具亦如山積及現無數百千
萬億諸童女衆而彼大天告善財言善男子
今恣汝意可取此物供養如來修諸福德并
施一切攝取衆生顯示難捨而能捨故令其
修學檀波羅蜜善男子如我爲汝示現此物

教汝行施乃至普為一切衆生悉亦如是皆
令以此布施善根熏習力故令其息滅不欲
行施障勝行心於佛法僧最勝福田善知識
所恭敬供養種諸善根增長善法發阿耨多
羅三藐三菩提心復次善男子若有衆生貪
著五欲自放逸者為其示現不淨境界何以
故由彼衆生愚癡迷惑被諸女色昏醉其心
猶如嬰孩無有自性亦如素衣易受染色為
欲所溺不能得出如糞中蟲樂著糞處如穢
糞猪不淨嚴身如犯罪人種種繫縛如世劫

賊恒奪法財如犯極刑將付魁膾如瞽道盲
俱墮坑險如船泛海遭遇惡風損害善根喪
諸法寶如近惡龍毒氣熏染永離戒香夭傷
慧命以要言之愚癡嬰孩為欲所盲為欲所
繫為欲所使為欲所迷恒順欲心而為僮僕
常隨欲轉如犢逐母為欲所縛不得自在善
男子我為此等盲瞋衆生憐愍心方便濟
拔先現端正可愛女身稱悅其心令其耽著
復現命終其身壞爛為諸鳥獸之所噉食種
種不淨如屍陀林復現恐怖羅刹女形身狀

永樂北藏

華嚴經普賢菩薩行願品

第三一冊

黑雲鬢髮丹赤大腹下垂鉤牙上出以人髑
髏而為嚴飾手執利劍發大惡聲現如是身
向染欲者令起驚獸心生惶怖因斯發起求
見我心我應彼形為其說法令除獸怖安住
戒身成就最勝戒波羅蜜具足十種波羅蜜
門乃至圓滿菩提勝果爾時大天即為善財
種種稱讚戒波羅蜜而說偈言

如諸衆生及草木 一切生長咸依地
世及出世諸善根 皆依最勝尸羅地
無戒欲求生善道 如鳥無翼欲飛空

如人無足欲遊行 亦如渡海無船筏
如諸苦行食根果 飲水自活住山林
或衣樹皮如獸居 無戒不得為清淨
有剃四周留頂髮 或不沐髮縈為髻
或有裸形或異服 此等無戒皆如戲
或於冰河而洗浴 或投盛火以焚身
或升高山自墜形 此等無戒徒為死
或浴華池辯才水 或恒飲浴碗伽河
晝夜求福以為依 此等無戒空無果
或於日夕三時浴 或復三時作護摩

却粒自默如啞羊 無戒苦身無所利
欲往天宮盡天壽 服天瓔珞以嚴身
飲食天中諸上味 持戒一切皆圓滿
或大族子旃陀子 俱能持戒等生天
貴賤種姓戲戒身 皆墮地獄無差別
戒七
卑門持戒生天上 勝族毀犯墮幽冥
摩登持戒亦生天 仙人破戒入諸獄
王族多聞具色力 惡見無戒如獸虺
如甘果樹猛獸圍 猶蓮華池毒蛇止
寧守貧賤恒持戒 具聖財寶德嚴身

破戒衆人之所輕 持戒天人咸信重
旃檀鬱金及沈麝 如是一切不為香
菩薩持戒最勝香 徧出人天無有盡
卑陋持戒後生天 現蒙王者所瞻禮
此世他生安隱樂 如是戒果牟尼說
欲生人天及涅槃 如應具戒必當得
是故精勤持淨戒 隨心所願皆圓滿
若有臨終肢節痛 一切親屬欲分離
諦思我有清淨戒 身心歡樂無憂畏
戒為惑病最勝藥 護諸苦厄如父母

永樂北藏

華嚴經普賢菩薩行願品

第三一冊

癡闇燈炬生死橋 無涯業海為船筏
帝釋轉輪威德王 富貴尊嚴無等倫
家有僕隸能持戒 承事供養而親敬
若有臨至命終時 持戒破戒生安畏
欲得當來極樂處 應當專意勤護持
戒珠不假刀兵護 戒為伏藏無所侵
戒為勇伴導前行 戒為出世莊嚴具
我讚持戒諸功德 如佛世尊真實說
為覺悟彼破戒者 令心堅住持淨戒
善男子如我以此種種方便教化衆生令住

淨戒波羅蜜中若有衆生瞋恚憍慢多諍競
者我以強力折伏其心為其示現極可怖形
如羅刹等飲血啖肉令其見已驚恐惶懼心
意和柔捨離怨結若有衆生憒沈懶墮為其
示現王賊水火及諸重疾種種危難令其見
已心生惶懼知有憂苦厭離昏墮而自勉策
日夜精勤以如是等種種方便令捨一切諸
不善法修習一切清淨善法令除一切波羅
蜜障令開一切波羅蜜門令超一切障礙險
道令到一切無障礙處善男子我唯得此善

薩雲網解脫如諸菩薩摩訶薩猶如帝釋已
能摧滅一切煩惱阿修羅軍如大海水普能
銷滅一切衆生諸煩惱火如劫盡火普能乾
竭一切衆生諸愛欲水如大猛風普能吹碎
一切衆生諸見取幢猶如金剛悉能摧破一
切衆生諸我見山而我云何能知能說彼功
德行善男子此閻浮提摩竭提國菩提場中
有主地神名自性不動汝詣彼問菩薩云何
學菩薩行修菩薩道時善財童子禮大天足
繞無數匝一心瞻戀辭退而行爾時善財童

子受天神教漸次前行往東北方趣摩竭國
菩提樹王大道場處將詣自性不動神所十
千地神同在其中更相謂言此來童子即是
一切如來寶藏必當普爲一切衆生作所依
怙必當普壞一切衆生無明翳藏此人已生
我上法王種中當以法繒而冠其首當開智慧大
珍寶藏當執菩薩金剛慧劍勇猛自在得法
無畏摧伏一切異道邪論當以法船於生死
海運濟衆生令達彼岸智解圓滿猶如白月
必當息滅一切衆生熱惱亂心爾時自性不

永樂北藏

華嚴經普賢菩薩行願品

第三一冊

動神等一萬地神即以神力震動大地出雷
吼聲放大光明徧照三千大千世界種種寶
物處處莊嚴影翳光流遶相鑒徹一切葉樹
俱時生長一切華樹咸共開敷一切果樹靡
不成熟一切河流互相灌注一切池沼悉皆
盈滿興大密雲雨細香雨徧灑其地香風時
來吹衆名華普散其上無數音樂一時俱奏
出可愛聲天莊嚴具咸出美音令人歡悅天
阿修羅乃至非人牛王象王師子王等皆大
歡喜踊躍哮吼猶如六山相擊出聲百千伏

藏自然涌現時彼地神告善財言善來童子
汝於此處曾種善根我爲汝現汝欲見不爾
時善財禮地神足繞無數匝合掌而立白言
聖者唯然欲見時彼地神以足按地百千億
阿僧祇摩尼寶藏自然涌出開發顯現地神
告言善男子今此寶藏隨逐汝行是汝往昔
善根果報是汝福力之所守護汝應恣意自
在而用善男子我得菩薩解脫名難摧伏智
慧藏常以此法具足圓滿成熟衆生善男子
我憶自從燃燈佛來常隨菩薩恭敬守護如

影隨形從始至今念念無間觀察菩薩所有
心行普徧尋求深入菩薩一切誓願智慧境
界圓滿菩薩一切所修諸清淨行思惟菩薩
一切三昧隨順明達安住菩薩一切法門究
竟了知一切心性圓滿一切大自在力增長
一切無能壞法徧往一切諸佛刹土普受一
切諸如來記憶持現覺一切智性轉於一切
諸佛法輪廣說一切修多羅門大法光明普
皆照耀教化調伏一切衆生示現一切諸佛
神變隨順解知受持憶念常無忘失善男子

乃往古世過須彌山極微塵數劫有劫名莊
嚴世界名月幢佛號妙眼於彼佛所最初獲
得此解脫門善男子我從是來於此法門若
入若出修習增長常見諸佛未曾捨離始從
初得乃至賢劫於其中間值遇不可說不可
說佛刹極微塵數如來應正等覺悉皆承事
恭敬供養亦見彼佛詣菩提樹坐道場時現
大神通種種佛事亦見彼佛所有一切功德
善根善男子我唯知此難摧伏智慧藏解脫
門如諸菩薩摩訶薩常能隨侍一切諸佛能

持一切佛所說法入一切佛甚深智慧念念
充徧一切法界等如來身生諸佛心具諸佛
法作諸佛事心心出生一切諸佛清淨法藏
離分別心常無間斷而我云何能知能說彼
功德行善男子此閻浮提摩竭提國恒河北
岸有一大城名迦毗羅有主夜神名曰春和
汝詰彼問菩薩云何學菩薩行修菩薩道時
善財童子禮地神足繞無數匝殷勤瞻仰一
心戀慕辭退而去爾時善財童子蒙地神教
一心思惟憶持菩薩難摧伏智慧藏解脫門

修其三昧學其軌則觀其遊戲入其智海悟
其甚深行其勝行住其大願得其智慧達其
平等如是思惟漸次前行北度恒河向迦毗
羅城至城南門敬心右繞從東門入佇立未
久遇日沒時心念隨順諸菩薩行渴仰欲見
春和夜神於善知識生如來想復作是念由
善知識得周徧眼普能明見十方境界由善
知識得廣大解普能了達一切所緣由善知
識得三昧眼普能觀察一切法門由善知識
得智慧眼普能明照十方刹海作是念時見

彼夜神於虛空中處衆色寶摩尼樓閣香蓮
華藏寶師子座身真金色頭髮紺青眼如廣
大青蓮華葉形貌端嚴見者歡喜衆寶瓔珞
以爲嚴飾身服朱衣首戴梵冠一切星宿炳
然在體於其身上六七一一毛孔皆現化度無量
無數世界衆生臨欲顛墜墮惡道者悉令免
離而得解脫是諸衆生或生人中或生天人
或有趣向三乘菩提或有修行一切智道如
是影像炳然顯現又彼一一諸毛孔中示現
種種教化方便成熟衆生或爲現身種種形

色或爲說法種種言音或爲示現聲聞乘道
或爲示現獨覺乘道或爲示現諸菩薩行菩
薩勇猛菩薩三昧菩薩自在菩薩住處菩薩
觀察菩薩思惟菩薩神通菩薩境界菩薩師
子顰伸菩薩解脫遊戲如是種種成熟衆生
善財童子見聞此已心大歡喜踊躍欣慶心
願圓滿愛敬尊重以身投地禮夜神足繞無
數匝於前合掌而作是言聖者我已先發阿
耨多羅三藐三菩提心我心冀望依善知識
威神力故獲諸如來功德法藏唯願聖者與

我決定作依止處示我趣向一切智道令我
於中修行增進至十力地時彼夜神告善財
言善哉善哉善男子汝能深心敬善知識法
力聖力入汝身中令汝勤求不惜身命一心
親近樂聞其語隨順聽聞修行其教以汝親
近聞教修行決定心故當得阿耨多羅三藐
三菩提善男子我得菩薩教化調伏破一切
衆生癡闇法光明解脫門善男子我於惡慧
衆生起大慈心於不善業衆生起大悲心於
作善法衆生起於喜心於善惡二行衆生起

不二心於雜染衆生起令生清淨心於邪行
衆生起令生正行心於劣解衆生起令興大
解心於懶墮衆生起令生精進心於樂生死
衆生起令捨輪轉心於住二乘道衆生起令
住一切智心善男子我以得此解脫門故常
與如是心共相應善男子我於夜暗人靜鬼
神盜賊諸惡衆生所遊行時密雲重霧惡風
暴雨日月星宿並皆昏蔽不見色時見諸衆
生若入於海若行於陸山林曠野沙磧險難
一切危厄諸恐怖處或遭盜賊或乏資糧或

迷惑方隅或忘失道路悵惶憂怖不能日出
我時即以種種方便而救濟之爲海難者示
作船師魚王馬王龜王象王阿修羅王及以
海神捕魚人像爲彼種種海難衆生而作救
護所謂止惡風雨息大波浪於洄洑中及迷
方中引其道路示其洲岸令免怖畏悉得安
隱復作是念以此善根迴施衆生願令捨離
一切諸苦爲在陸地一切衆生於夜闇中遭
諸恐怖瓦礫荆棘虎豹豺狼師子惡獸毒蛇
險路盜賊鬼神肆暴之處現作日月及諸星

宿晨霞夕電種種光明或作屋宅或爲人衆
天龍八部菩薩如來種種形相引導覆護令
其得免恐怖之厄復作是念以此善根迴施
衆生悉令除滅諸煩惱闇一切衆生有惜壽
命有愛名聞有貪財寶有重官位有著男女
有戀妻妾眷屬稠林種種纏縛未稱所求多
戒七
生憂怖我皆救濟令其離苦爲行山險而留
難者爲作善神現形親近爲作好鳥發音慰
悅爲作靈藥舒光照耀示其果樹示其泉井
示正直道示平坦地或現龕室或現勝居令